

Bibbia par putei
Presenta

Ea prima
Pascua



Scritto da: Edward Hughes

Ilustrà da: Janie Forest
Alastair Paterson

Adatà da: Lyn Doerksen

Tradoto da: Tiberio Bardelle

Prodoto da: Bible for Children
www.M1914.org

©2023 Bible for Children, Inc.


Licenza: A te ga el diritto de copiare o de stanpare sta storia,
basta che non te la vendi.



La dona la jera sula
colina in mezo al
bacan, i so oci tristi
i vardava 'na bruta
sena. So fiolo el
jera drio morir. La
dona la jera Maria,
la jera visin al logo
dove che Gesù el
Jera inciodà so
na crose.



Come xe capità tuta
sta roba? Come podaria
Gesù far finir na vita
cusì bea in te on modo
cusì brutto? Come
podeveo Dio a
permetar a so
Fiolo de essere
inciodà a na crose
par morir li? Gesù se
ga sbalià so chi che el
jera? Dio se ga sbalià?



No! Dio no ga sbalià.
Gesù no ga fato nesun
sbalio. Gesù el ga
senpre savesto che i lo
gavarìa copà dei omani
cativi. Anca cuando
che Gesù el jera on
putin, on vecio che se
ciamava Simeone, el
gaveva dito a Maria
che la tristessa la ghe
jera davanti.



On pochi de di prima
che Gesù el fuse copà,
na femena la jera 'ndà a
metarghe on unguento
parfumà su i piè. "La
xe drio butar via schei"
i se lamentava i disepoi.
"La ga fato on bel laoro", el
ga dito Gesù. Lo ga fato par el
me funerae. "Che paroe stranie!"



Dopo de questo, Giuda,
uno dei dodese disepoi de
Gesù, el ga acetà de tradir
Gesù ai capi dei sacerdoti
par 30 tochi de argento.



Ala festa ebraica de Pascua,
Gesù el ga fato el so ultimo
pasto co i so disepoi. El ghe ga
dito robe beisime so Dio e so le
so promese a chi che ghe vol
ben. Po Gesù el ga da del pan e
na scuea da spartirse. Cuesto el
dovea ricordarghe che el corpo
e el sangue de Gesù
i ghe vegnea
da par far
perdonare
i peccati.




E allora Gesù el ga dito ai so amisi che el saria sta tradio e che lori i saria scapai. "Mi a non 'ndarò via" l'insisteva Piero. "Prima che el galo el canta, a te me negarè tre volte" el ga dito Gesù.



Pi tardi cuea note,
Gesù el xe 'ndà a
pregar nel giardin de
Getsemani: I disepoi
che i jera con lu i se
ga indormensà. "O
Pare mio", el ga
prega Gesù, "lasa che
sto caice el pasa da
mi, ma non come che
vojo mi, ma come che
te voi ti."



De colpo on mucio de gente la xe rivà in tel giardin portà da Giuda. Gesù non el ga fato resistenza ma Piero el ga taja la recia de on omo. Tasendo, Gesù el ga tocà la recia del'omo e lo ga guario. Gesù el saveva che el so aresto el faseva parte dela volonta de Dio.




La gente la ga portà Gesu a casa del Somo Sacerdote.
Li. I capi ebrei i ga dito che Gesù el gavarìa dovesto
morir. Li visin, Piero el jera a rente el fogo dei
servi che el vardava. Par
tre volte la zente la ga
vardà Piero e la ga dito:
"Ti a te jeri co Gesù!"
Par tre volte Piero
el ga dito de no
pproprio come
che Gesù el
gaveva dito
che el gavarìa
fato.



Proprio in quel attimo lì,
on galo el cantava. El
jera come che la fuse
sta la vose de Dio a
Piero. Ricordandose le
parole de Gesù, Piero
el ga pianto tristo.






Anche a Giuda a ghe dispiaseva. El
saveva che Gesù non el jera colpevoe
de nesun peccato o crimine.

Giuda el ga portà indrio i
30 tochi de argento ma
i sacerdoti non
li ga volesti.





Giuda el ga butà via
i schei e po el xe
'ndà a impicarse.




I sacerdoti i ga portà Gesù davanti a Pilato, el governatore roman. Pilato el ga dito: "Mi a no go catà nesuna colpa in te sto omo". Ma la gente la continuava a urlar: "Metio in crose! Metio in crose!"



A la fine Pilato el ga cedù e el ga condanà Gesù a morir in crose. I soldati i ga da on pugno a Gesù, i ghe spuava in faccia e i lo ga frustà. I ga fato na corona crudee de onghe spine guà e le ga fracà in testa. Po, i lo ga inciodà so na crose de legno par farlo morir.



Gesù el ga senpre savesto che el saria morto in quel modo li. El saveva che la so morte la gavarìa portà el pardon ai peccatori che i meteva la so fiducia il Lu. Du criminai i xe sta mesi in crose a rente a Gesù. Uno el ghe credeva a Gesù, el xe 'ndà in paradiso. Che altro no.



Dopo ore de triboamenti,
Gesù el ga dito: "La xe finìa"
e el xe morto. El so laoro
el xe sta finìo. I amisi
i lo ga soterà so na
tonba privata.



Po i soldai romani i ga
stropà la tonba e la
ga tegnù vardà. Adeso
nesuno podeva andare
ne dentro e
ne fora.



Se cuesta la fuse la fine
dela storia, la saria trista
purasè. Ma Dio el ga
fato cualcosa de
maravejoso.
Gesù no el
xe morto!




La mattina de bonora del primo
di dela stimana, on pochi de
disepoi de Gesù i ga catà
la piera rodolà via dala
tonba. Quando che i
ga vardà in dentro,
Gesù no el ghe
jera pì.



Na femena la xe restà, piansendo,
visin ala tonba. Gesù el ghe xe
aparìo. La femena la xe corsa
indrio contenta par dirghelo a
che altri disepoi. "GESU' EL
XE VIVO! GESU' EL XE
TORNA' INDRIO DAI
MORTI".





Dopo on fià Gesù el xe 'ndà da i so disepoi e el ga mostrà le so man tute magagnà. A jera proprio vero. **GESU' EL JERA DA NOVO VIVO!** El ga perdonà Piero par averlo renegà, el ga dito ai so disepoi de contarghe a tuti quanti de Lu. Dopo el xe tornà in paradiso da dove che el jera rivà.



Ea prima Pascua


'Na storia de la Parola de Dio, ea Bibia

la se cata in

Mateo 26-28, Luca 22-24,
Giovani 13-21

"Scoltare le paroe a ne da la luce."
Salmo 119:130






Ea fine



54



60



Sta storia dela Bibia la ne conta del nostro maravejoso Dio che el ne ga fato e che el vol che ti a te lo conosi.

Dio el sa che a gavemo fato robe cative che Lu el ciama peccato. La punision par el peccato la xe la morte, ma Dio el te voe cusì tanto ben che che el ga mandà el so unico fiolo, *Gesù*, a morir so na crose e a esar punìo par i to peccati. *Gesù* el xe tornà in vita par po andar a casa soa in Paradiso! Se a te ghe credi in *Gesù* e a te ghe domandi de perdonar i to peccati, Lu a lo farà. Lu el vegnarà a vivar in noaltri adeso e noaltri a vivaremo con Lu par senpre.

Sa te credi che questa la sia la verità, dighe questo a Dio:

Caro *Gesù*, mi a credo che Ti a te si Dio, e che a te si diventà on omo par morir par i me peccati, e deso a te vivi da novo. Par piaser, vieni nela me vita e perdona i me peccati, in modo che mi a posa aver na nova vita adeso, e un di a vegnarò a star co ti par senpre. Iutame a butarte a mente e a vivar par ti come ca fuse to fiol. Amen.

Lesi la Bibia e parla co Dio tuti i di! *Giovani 3:16*

